

清朝駢體正宗

上海文瑞樓印行

三

清朝駢體正宗評本卷七

南城曾燠賓谷原選

鎮海 姚燮 某伯 評
張壽榮 鞠齡 參

蘭韻軒詩集序

汪 中

少司馬雲椒先生示中以所為詩曰

御覽集為卷四曰蘭韻堂集為卷八中當昔遊屢見新製屏風團扇斜行細書坐卧移時輒能上口今幸窺全豹益騰夙心既受而卒業諷其篇章尋其旨趣竊為品目蓋有四焉曰微曰適曰遠曰深借惠施之彈喻為莊氏之危言將期達意無嫌取譬夫文人之心存乎幼眇故日月作繪難狀其容六合名篇以愚見謂先生澄懷體物構以精裁思無路而不通物無形而不肖譬夫車輪之武屢中應心棘刺之猴日出遂見則所謂微者此也詩本乎言亦播為樂言之多婉則感人也深樂或不調則聽而思卧先生身依

清禁抽此秘思遊卷阿以矢音效崧高而作誦固宜體歸莊雅音取和平若夫山公宦達早游竹林幼與清標宜在邱壑何嘗不對酒當歌興高采烈而意思安閒

鑑影繪聲神乎其伎

確是通字注

生氣遠出

情深文明

如土委地

應手赴節。吹彼天籟。止乎衆心。譬夫交儔。自舞徒御。不驚履帶。相當並立。腰足則所謂適者此也。情動於中。恒多鬱勃。託諸比興。務在綿邈。故志微嘿。殺北鄙見。啜穆如清風。雅材所尚。先生高挹羣言。優游案行。超然物表。自得天機。譬夫姑射神人。比綽約於處子。清廟之瑟。有唱歎之遺音。則所謂遠者此也。公家擊磬。或動路人。男子樹蘭。遂移物性。故知歎笑無端。則惟木石同體。先生早緣負米書劍。飄零已過中年。漸多哀樂。山陽聞笛。河梁把酒。送將歸而贈別賦。懷舊而傷神靈。襟獨寫餘味。曲包譬夫車子。轉喉哀感。頑豔成連。海上能移我情。則所謂深者此也。微以言乎其思。適以言乎其度。遠以言乎其氣體。深以言乎其性情。凡此四端。足該六義。中往涉世途。頗知作者。握珠懷璧。類有其人。或輕肆以為才。或襲績以為學。或詰屈以為古。或激壯以為雄。先生獨存雅體。微示別裁。於彼數家。非惟不能寔亦不暇。爰因研說。書在末簡。附驥名章。敢希前志。

要眇中旨之作

某伯

自序

昔劉孝標自序平生。以為比跡敬通。三同四異。後世誦其言而悲之。嘗綜平原之

元暮忘歸
以撤筆作頌
筆此下兩兩
比較四同五
異激昂悲憤
慨當以慷有
志感錄皇氣
變金石之概

寫盡世態

遺軌喻我生之靡樂異同之故猶可言焉夫亮節慷慨率性而行博極羣書大藻
秀出斯惟天至非由人力雖情符曩哲未足多矜余元髮未燥野性雖馴麋鹿同
游不關擯斥商瞿生子一經可遺凡此四科無勞舉例孝標嬰年失怙貌是流離
託足沙門極尋劉寶余幼罹窮罰多能鄙事賃舂牧豕一飽無時此一同也孝標
悍妻在室家道輻輳余受訐興公勃礫累歲里煩言于乞火家構衅于蒸梨蹀躞
東西終成溝水此二同也孝標自少至長戚戚無懼余久歷難屯生人道盡春朝
秋夕登山臨水極目傷心非悲則恨此三同也孝標夙嬰羸疾慮損天年余藥裏
關心負薪永曠鰥魚嗟其不暝桐枝惟餘半生鬼伯在門四序非我此四同也孝
標生自將家期功以上參朝列者十有餘人兄典方州餘光在壁余哀宗零替顧
景無儔白屋藜羹饋而不祭此一異也孝標倦游梁楚兩事英王作賦章華之臺
置酒睢陽之苑白壁黃金尊為上客雖車耳未生長裾屢曳金簪筆傭書倡優同
畜百里之長再命之士苞苴禮絕問訊不通此二異也孝標高蹈東陽端居遺世
鴻冥蟬蛻物外天全余卑栖塵俗降志辱身乞食餓鵠之餘寄命東陵之上生重
義輕望實交隕此三異也孝標身淪道顯籍甚當時高齋學士之選安成類苑之

古今同慨

音節哀亮令人不堪

我聞此語心骨悲

廣路有云氣律清華

直昇胸臆不事琢磨卻自

編國門可縣都人爭寫余著書五車數家覆瓿長卿恨不同時子雲覓知後世昔聞其語今無其事此四異也孝標履道貞吉不干世議余天譴司命赤口燒城笑齒喉頰盡成皴狀跬步才蹈荆棘已生此五異也嗟乎敬通窮矣孝標比之則加酷焉余于孝標抑又不逮是知九淵之下尚有天儼秋荼之甘或云如齋我辰安在寶命不同勞者自歌非求傾聽目暝意倦聊復書之

楚些吳歎能使座人摧愴况哀蠶軋軋抽機中獨繭絲耶

某伯

漢上琴臺之銘

并序

汪中

自漢陽北出二里有邱焉其廣十畝東對大別左界漢水石隄互其前月湖周其外方志以為伯牙鼓琴鍾期聽之蓋在此云居人築館其上名之曰琴臺通津直道采止近郊層軒累榭迥出塵表土多平曠林木翳然水至清淺魚藻交映可以棲遲可以眺望可以泳游無尋幽涉遠之勞靡登高臨深之懼懿彼一邱寔其二美桃華淥水秋月春風都人冶游曾無曠日天以夔襄之技溫雪之交一揮五弦爰擅千古深山窮谷之中廣廈細旃之上靈蹤所寄奚事刻舟勝地寫心諒符元賞余少好雅琴猶諳操縵自奉簡書久忘在御弭節夏口假館漢皋峴首同感

情文並美

唐文

下是戀於以濯足滄浪息陰喬木聽漁父之鼓枻思游女之解佩亦足高謝塵緣
希風往哲何必撫弦動曲乃移我情銘曰宛彼崇邱於漢之陰二子來遊爰迄於
今廣川人靜孤館天沈微風永夜虛籟生林冷冷水際時汎遺音三數陰節如彼
賞心朱弦已絕空桑誰撫海意乘舟巖思避雨邇矣高臺歸然舊楚壁操南音尚
懷吾土白雲罷歌湘靈停鼓流水高山相望終古

緼然其馨醴然其味

某伯

答趙良甫書

楊方燦

原集踴躍作
扶張又五音
樂集各韻子魂
等九光徘徊
安豐日胸又
出入懷袖院
如觀面紙散
雲漸細覽無
暇當俱由曾
氏改刪
吾書未肯傳
願昭赴盛賦
奇峻井中燕

良甫足下前奉贈言敬析名作發函伸紙歡喜無量風藻豔發天才踴躍五音繁
會九光徘徊范史事外殊有遊致庾郎胸中故無宿物出入懷袖諷覽無輟情文
兼摯辱郎君之謙下揄揚過當恐君子之失辭中心欽欽以感以愧僕少好辭章
頗自鏤礪殫精圖史願情典墳托豪素以抒懷撫飯缶而發唱庸音自効結習所
存如鼃鼃之甘烟若蹶路之赴溼或歌或罵一詠一吟希掉鞅於文壇庶繼組於
作者無如人事煎熬家累驅迫竊升斗之祿為風波之民邊障十年羈臣萬里堙
腐性靈疲頓竿牘偶有撰述輒自歎意深藏篋笥不欲示人志業蹉跎光陰遷賈

韶音調

枚乘傳其文
軌敵注猶言

屈曲也軌音
委敵音極

寫物則亮述
精切至

聲發韻流

茲復倦為塵吏甘作山郎筋驚肉緩不利走趨心頑質堅偏好冥默屬文多散融
之習當官有蕭杭之稱推排已久覺老物之可憎揜抑自傷知盛年之不再王微
之宦情本淡江革之僻疾難瘳時恐急景凋顏牢愁驅毒思欲返芰荷之初製踐
猿鶴之舊盟而塵累尚牽山裝未辦眷言疇昔彌用疚懷兼之京華知舊意緒寥
落天涯倫好蹤跡睽濶握管無侶舉觴莫屬春寒陰陰獨坐聞館輕塵盈几飛鳥
窺戶管寧榻破向桐林空我懷云勞不可說也足下馳俊譽於早歲揚采烈於名
區青萍結綠望氣者知貴濫脇號鐘知音者競賞含香漸越蜚聲日遠方當雍容
臺省翔步雲霞道直途清相見或易藉得挹注宏抱雪滌素懷跂予望之心乎愛
矣川途間隔久違作報茲乘風便聊布夙心

委婉尚有致但少警耳然其氣息古穆自非俗手所能

某伯

秋林集序

楊芳燦

昔昇之抱疾握牘而賦五悲惠開無年撫鏡而發三歎遂乃聽白楊之蕭瑟傷病
黎之凋悴寄思無端鬱伊不釋嚴霜欲霏驚碧樹之早落商飈乍起恐修夜之不
暘秋林名集旨遙深已見謀五大少負異才夙抱奇志有文園今之節概慕蘭相

氣韻高潔

凄婉

數語宛弱不
鮮宜為姚本
所點

如之為人高門鼎貴而有并介之風甲族膏腴而無綺靡之習篤嗜圖籍殫精細
素李謐著神士之賦王符撰潛夫之論一咏一吟乃其餘事而時出雋語老宿咸
推竹柏之契證於靈樞泉石之華交於麗瞻含懷賈遠造語幽粹神棲颺藹之表
氣凌烟霞之上情乎長轡未駛逸步屢蹶如屈蠃之終蟄加疹疴之不斟玉三獻
而遭刖博十擲而得韃非闕操技之拙可知賦命之奇是則幽蘭易萎誰尋空谷
之香神劍長埋永閼窮泉之彩昔王仲祖疾亟慨然曰若人竟不得四十乎齋志
以終長懷無已以今方古有同悲矣然恒幹難恃而數華不滅隱德未耀而弓冶
克傳枚乘之後生皋夏侯之門有建宗風斯在世澤勿渝珠水依源槐根仰蔭宜
乎雲樓三兄啟楹書抱竹冊胖胖兢兢思托不腐者也某常讀雙溪舅氏遺文其
稱五文也有曠代逸才之目企慕風采不見為恨茲受斯集而卒業焉都官晚出
得讀表聖之詩王溪後生竟序次山之集不可謂非厚幸也已

隱愜某伯

原集有繁緩處俱經曾氏節刪改綴讀者取芙蓉山館文核對可悟大法

菊齡

重修漢平襄侯祠碑記

楊芳燦

揭出平襄隱

幹挺

勁氣直達

音節淒楚

纏綿抑轉無
限悲涼

頓宕

有此一展文
不板重鼎之
詞氣駿邁用
筆凌厲而平

伏羌縣城西隅舊有漢平襄姜侯祠歲久傾圮乾隆癸卯春余宰斯邑改而葺之
縣人感請立碑余削簡而稱曰朔方郭塢之大星已隕蜀郡之王氣將終以羈旅
之孤臣受軍國之重寄卒能奮忠勤仗胆義撐拄偏安之局恢張薄伐之勛洎乎
孱主迎降全師解甲猶思運曲逆六奇之策收下莊一舉之功壯謀未成苦心莫
亮揆其本末有得言焉按蜀志侯諱維字伯約天水冀城人紹忠節之家風負倣
儻之才畧傾身養士結髮從軍仕魏官中郎參本郡軍事直蜀兵壓境太守寒盟
信乃見疑窮而歸命武鄉侯見而異之教以虎部千人目以涼州上士馬援明智
之識臣亦擇君豫讓俠烈之風士為知己建興十二年武鄉侯卒進大將軍錄尚
書事封平襄侯遂乃繼祁山六出之舉興石營九伐之師拔臨洮三縣之民糾漢
樂二城之衆部落面向羌戎響臻自隴以西可斷而有也無如諂臣構釁閹豎擅
權撤渭上之兵作當中之避宮鄰內逼勅敵外侵徒恃劍門之險竟失成都之守
陰平間道之銀鉞鐵牡之防綿竹孤軍有猿鶴沙垂之慘君甘銜璧士盡興尸棄
三分之業廟社成墟奉尺一之書英雄束手遂使三軍斫石氣湧如山五將投戈
涕流被面吁何悲也夫范蠡策越保甲楫於會稽田單復齊馳鐵籠於即墨豈不

良心事亦曲
曲傳出最爲
篇中扼勝處

定錄

餘韻鏗鏘

原集翰林上
有清故二字
原集荷蘭作
花凋
清港

奮折翼於已墜。噓死灰而復然。名著區中。功成理外。蜀雖顛踣。外有鼓援。霍紹先
之勁卒。尚鎮夜郎。羅令則之重兵。猶屯白帝。何使前驅五萬。仍用俗人。白梧數千。
盡坑。魏將艾先自焚。會亦我禽。金刀之作。中興火井之光。復熾未可知也。而乃空
留密表。竟發陰機。寬遭紀信之焚。莫效勃蘇之哭。嗟天道之難問。詎人謀之不臧。
是則裴世期之記注。尚屬知言。孫安國之陽秋。徒爲目論矣。縣爲古冀城。地侯之
故土也。黃神紫嶽。曾誕英靈。雲馬馳車。應歸魂魄。某式瞻遺範。來謁崇祠。霜露年
深。丹青歲古。報功之典。攸缺。守士之責。奚辭。爰翦茅茨。聿修棟宇。抒下士之丹忱。
焚椒築鬻。紀前賢之偉績。勒石磨崖。庶幾風雲鬱起。遙連蜀相之祠。松檟森行。永
護樂公之社。云爾。

偉議閎辭可當一則史論

某伯

金朗甫誄

元默紀年。凝賓旅月。翰林庶吉士仁和金君朗甫。以疾卒於邸舍。年僅二十有七。
嗚呼哀哉。月沈朧輝。荷隕鼃米。是殲才子。實喪俊民。若其才性都長。風儀淵令。知
言九變。敏逾陸生。異字千名。富於朱育。英辭壯思。殫見洽聞。識安釐家之古文。緝

筆意蒼勁

凌婉

寫情如訴流
矢不溫

原集明作知
無手字上句
以其字曾氏
以板重增改

道古

顯節陵之墜簡賦以高麗見奇詩則清工入妙狹襟單慧者莫測其涯量也大戰
屢捷巍科早登以通博之才與清英之選羅含則胸吞彩鳳阮籍則手搏赤猿桐
露槐烟之什老宿傾襟蘭臺桂苑之篇名流袖橐方當分榮鳳掖被蔭鑾坡晝日
濡毫凌雲授簡何期時當大瘳景值周年黑翟逢壬侯岡阮丙擘轡欲騁而驥跡
之步中徂含香甫越而蘭茝之華蚤落幽局長閑昭途永隔嘻其酷矣某年當疲
暮跡尚飄浮公幹著論空負經奇文舉屬詞多傷偏宕君顧癖同痴嗜密締心知
昧藁逾時然糠水夕時或逍遙閒夜徙倚涼雲魚鳥流連竹肉諧婉雖春星墮杯
曉露沾袖不自知其沈頓也隙駒不留濛陰遽戢理玉樹於重泉鬱青霞於修夜
韓卿長逝論詩孰辨其音初輔嗣云亡談易誰明乎繫表嗚呼哀哉昔袁炳異才
文通作傳孝若素交潘岳著誄敢援斯義為之詞曰

文星系絕光嶽精淪崑邱碎壁凌門落麟瀝溟始奮扶搖未申曾不中壽喪此哲
人翳惟哲人神姿夙悟篤嗜典墳殫精細素麗藻風飛高辭河注耀羽丹山揚輝
元圃館啟翹才名登上第射策東堂讀書中秘子野博聞承天多藝行對三雍待
成十意方題朝籍遽執殤宮泣瓊兆夢巢鷺傲山朝薤稀露秋條迂風行善遭命

籍詞精

古模

極鍾錄亦極
波簡

懷和告終疇昔交期忘形語默臭味風雲談諧翰墨星晚露初燈青月黑促坐論
大微言相得舊歡已矣宿諾何追壞陵絃斷山陽笛悲西樹長靡南雲易頽行行
孤情寂寂道微嗚呼哀哉

積思沈吟發詞紆迴

某伯

湖南湘鄉縣丞吳君誄

楊芳燦

夫義風振世秩何愧乎末班修名冠倫數何歎於中壽赤石不奪獨守耿介之心
沉檀甘焚不銷鬱烈之氣古來節士多出卑官黃綬榮於龍藻銀佩美於垂棘如
湘鄉縣丞吳君者信有徵矣君諱英玉字玉泉蘇之常熟人也周章今族孰哉華
冑代有名德世非墮僚君生負瓌姿幼秉琦行珽管在手風雨蜚聲蓮花插腰虹
霓耀彩無如射策不售賸貼徒勞喟然曰丈夫處世安能碌碌為章句儒乎遂焚
王壽之書擲逢萌之牖明習吏事揣摩兵鈴以武功爵起家得楚南零陵尉拊循
編戶矜恤羣人有陸景情之真清行員半千之實惠三年書考以卓異聞時值蛇
巫不靖大封構孽君勇氣慷慨雄心憤薄短後從軍之服高前却敵之冠宵眠沙
磧笑看宛轉之刀曉渡冰河淨洗連錢之馬餽餉無缺轉輸若神時嘉勇郡王總

統戎律目元康為快吏上許歷之雋功特擢湘鄉丞君激揚自勵奮發敢為密書
叢林伏身獨往屢反箭火舍命不渝受瘡痍之毒淫櫻風霜之爪甲積勞成疾閱
日不甦按劍撫膺空餘裏革之志攬鏡照影知有犯兵之欄隨總兵花連布移營
冷風均巨猾恣睢列營屠潰君力疾抗拒斃於馬鞍山下嗚呼哀哉幕府愍君勞
績奏牘上聞

詔贈國子學錄

賜金祭葬從祀忠義祠錫以儒冠祀之宗布繁鉢革面遂偃靈臺之旌鵠鸞變音
廼獻泮宮之誡君之英靈可以慰矣夫誄以美終文由累行安仁操翰表沂城之
功延之綴辭昭滑臺之節式遵前典乃作誄曰矯矯吳君古之節士徒抱高才而
無貴仕低首風塵卑棲棘枳誓命戎行不甘委靡壯氣飛揚龍阿知己實命不猶
若儕而止膏明則燬玉鎮翻毀君之入仕不卑抱關一命之吏威惠克宣山多義
鳥地有廉泉三年報最輿論稱賢蠶爾苗頑挺災荆楚鋒蝟介塘公行呂鉅上將
專征統茲勁旅君請鑿行枕戈負羽躡穿膝暴執獲搏虎不避沾危寧辭茹苦頭
塵不浴衣焦不申時窮魯遂轉粟秦困馳驅盡瘁忠以忘身炎風委火靈烟瘴雲

心目俱慘

義無忘詞

成廉銘

沈確悲壯

筆致軒昂文
情宕逸

原集相羊作

流連通會作
處境

原集稼索作
相對

蛇涎吹盡域沙中人遽嬰沉痾竟構艱屯精魄銷亡壯心未已磨盾作書據鞍為
几加鼓翻營力疾而起深溪渴瀑危峰屢展攀藤附葛賊來如蟻被髮呼天慷慨
赴死責志以終沒而猶視嗚呼哀哉筑筑孤嗣亦抱亮節隻身提劍萬里負背脫
命鯨牙招魂馬鬣之彼高文錫此貞石

九重軫恤

殊恩祇承錫之儒秩名德已升國殤往矣精靈有憑為書素旗余言可徵

詞義森整之作

其伯

荆園倡和集序

昔元許左丞可用與其弟可行倡和楚人馬熙及其子楨與焉今所傳圭塘歎乃
集皆閒適之作也蓋其地則平泉綠野其人如正始元嘉機雲之屋東西求點之
山大小蘭亭高譙諸子得預勝流蓮社佳遊門生亦參末座烟霞獨浪魚鳥相羊
其屬思之清工非緣違會之超曠歟余與伯兄弱歲饑驅早年薄宦西羈隴坂北
滯燕臺夢永嘉之西堂憶懷遠之故驛離索之感殆不可任既而兄馳上計之車
余守校書之館第五頤靈臺之下或十日不炊董威輦白社之中無一屢可庇衡

言情切至
悱惻動人

明絢雅瞻

志氣磊磊各
含殊采

門風雪襟素蕭然遂乃尋避債之臺移乞病之牘同車入洛聯轡過秦涉三岐之
峻巖覽二華之奇秀蒼茫吊古招悵懷鄉別薛看碑磨厓灑墨樊川句裏老樹遺
臺長吉囊中神林鬼塚循省所作羈旅為多况復官齋共被未及三旬幕府從戎
又逾萬里長征歲暮黃河已冰遠別魂銷青海無極空抱矛浙劍吹之懼愧非投
觚擲楮之才而兄一漳空乘十年不調原鵠隴雁嗟予季以來歸塞草闌榆盼阿
干而不見傷離憶遠悵悵如何今夏余任甘藩兄視余官舍屢袂纔捧離心已撫
爰開庾信之小園敞潘尼之閒館洛濱之集許仲容同遊臨海之詩屬長瑜共和
水木明瑟風光澹沲霞初星晚不無佇興之辭花底樽前時有言懷之作自謂廿
年以來未見此樂然而文案鮮暇邊徼未寧當赤白囊之交馳及朱墨圍之錯置
敢耽吟而廢事聊假日以銷憂以視圭塘之嘯歌自適者其境迥殊無怪乎言之
未能工也顧篇什漸多不忍棄置爰偕伯兄襄輯付梓而余又量移西屬慨轉數
之莫定感揮沙之靡常尋蓬中之作每憶前塵題漢上之襟預期後會聊將袍襖
抄播拊之伺偶紀年華當樓羅之歷云爾

謁惻纏綿情文並摯

某伯

後半篇尚多曾氏節刪改綴處合桐華吟館原集參玩之可悟文法

前齡

重刻獨孤憲公毘陵集序

揭出文人通病

行誼傳世之難完璧

原集巴岷作岷我

淵源

備難

夫習為纂組詎知麻枲之有功長於蓬茨難語皋應之合制文章之道何莫不然故尚藻績者目不暇與謨矯侈靡者口薄言騷雅礪礪之守其失維均不為沂沿恐昧流則有唐之興體凡三變天寶而後大歷以前燕許云徂韓柳未盛則蘭陵蕭功曹趙郡李員外與常州刺史獨孤憲公實比肩焉蕭雖忤於權門李乃汙天偽命揆諸大行未免參差公則讀直著於朝堂愷悌洽乎方州凌轢四君見李祖迷六藝孝經一卷首志立身孔門諸科幾得具體此其可貴一也唐世文字存者寥寥苟有聞見亟宜謹訪而茂挺之作僅收於什一遐叔之製尤撥於零星殘篇軼簡人以為病公則首尾甘卷尚符唐志靈光之殿歸然獨存積王之圃浩乎無涖菁華所鍾神物加護此其可貴二也退之起衰卓越八代泰山北斗學者仰之不知昌黎固出安定之門安定實受洛陽之業公則懸然天得蔚為文宗大江千里始濫觴於巴岷黃河九曲肇發源於星宿此其可貴三也琴瑟專壹聽者思遷性醪日陳食者生倦求其相濟是在兼長公則猷升邦國言炳竹素識大識小亦元

亦史語其矜貴明堂清廟之儀迹彼脩遠青山白雲之概惟昭斯融雖淡不厭此
其可貴四也然宋槧既失未聞續雕石渠之外世罕傳本是集從歙縣鮑君廷博
假得為長洲葉氏奕所藏明吳文定寬在東閣時錄出之本也葉以趙氏吳岫本
馮氏曹田本互相參校自謂完書披覽甫周謫外百出病餘多暇悉意勘雙落葉
漸掃珠船屢獲原集之外復得公雜文如干首其謚議誅傳有涉於公足資考鏡
者並附篇後於是已三免謫夏五少闕永嘉本出人無遺讀之勞宏農帳深客見
不傳之秘矣夫浚義儀社古形圖去官峴山碑高涕隕行路東竊攸好靡間今昔
維公盛德克紹前軌故植檜已朽見蔽蒂而如逢召公降露無庭對膏雨而猶思
郇伯矧夫謨述彌足珍焉余之為是刻也亦使人知遺愛勿替廩吏可為身登九
列不若沒世有稱裝累萬金不若名山藏業後之司士同致辦香學優仕優咸有
所勸匪徒表章篇翰蒐輯叢殘苟侈山淵以恣采伐而已

樹骨不靡擷采無醜可以傳古人矣

某伯

甌北詩鈔序

夫奕秋對局煦泊聽於吹笙肆首握竿戒紛心於擬鵲欲求舉世之賞必有顯門